

Ekisodho 35:31 uye amuzadza noMweya waMwari, nenjere, nokugona uye noruzivo rwemhando dzose dzoumhizha,

Numeri 11:25 Ipapo Jehovha akaburuka ari mugore akataura navo uye akatora mweya wakanga uri pamusoro pake akaisa mweya uyu pamusoro pavakuru makumi manomwe. Mweya wakati wagara pamusoro pavo vakaprofita, asi havana kuzopamhazve.

1 Samueri 10:6 Mweya waJehovha uchauya pamusoro pako nesimba uye ucha-profita pamwe chete navo, uye uchashandurwa ugova mumwe munhu.

2 Samueri 23:2 "Mweya waJehovha wakataura kubudikidza nen; shoko rake rakanga riri parurimi rwangu.

Jobho 33:4 Mweya waMwari wakandiita; kufema kwaWamasimba Ose kunondipa upenyu.

Isaya 11:2 Mumazuva okupedzisira, gomo retemberi yaJehovha richasimbisa, richava guru pakati pamakomo; richakwiridzirwa pamusoro pezvikomo, uye ndudzi dzose dzichamhanyira kwariri.

Mika 3:8 Asi kana ndirini, ndizere nesimba, noMweya waJehovha, uye nokururamisira nesimba, kuti ndizivise Jakobho kudarika kwake.

Zekaria 4:6 Saka akati kwandiri, "Iri ndiro shoko raJehovha kuna Zerubhabheri: 'Hazviitwi nehondo kana nesimba, asi nomweya wangu,' ndizvo zvinotaura Jehovha Wamasimba Ose.

Mateo 12:28 Asi kana ndichibudisa madhimoni noMweya waMwari ipapo umambo hwaMwari hwavika kwamuri.

Mateo 28:19 Naizvozvo endai mudzidzise ndudzi dzose, muchivabhabhatidza muzita raBaba, neroMwanakomana neroMweya Mutsvene,

Mako 1:10 Jesu paakanga ava kubuda mumvura, akaona denga richizarurwa uye Mweya achiburukira pamusoro pake senjiva.

Mako 13:11 Pose pamunenge masungwa uye mamiswa pakutongwa, musatanga kufunganya pamusoro pezvamuchataura. Taurai zvose zvose zvamunenge mapiwa panguva iyoyo, nokuti hamusimi munotaura, asi Mweya Mutsvene.

Ruka 2:26 Zvakanga zvaratidzwa naMweya Mutsvene kuti haaizofa asati aona Muzodziwa waShe.

Ruka 4:1 Jesu, azere noMweya Mutsvene, akadzoka kubva pajorodhani akatungamirirwa noMweya mugwenga,

Ruka 4:18-21 "Mweya waShe uri pamusoro pangu, nokuti akandizodza kuti ndiparidze vhangeri kuvarombo. Akandituma kuti ndiparidze rusununguko kuna vakasungwa uye kuti vasingaoni vaone, kuti ndisunungure vakamanikidzwa, 19 kuti ndiparidze gore rakanaka raShe." 20 Ipapo akapeta rugwaro, akarudzosera kumubati akagara pasi. Meso avanhu vose

vakanga vari musinagoge akanga akati ndee kwaari, 21 uye akatanga nokuti kwavari, "Nhasi rugwaro urwu rwazadziswa munzeve dzenyu."

Ruka 12:11,12 "Mukange mamiswa pamberi pesinagoge, vatongi navane simba, musafunganya pamusoro pokuti muchapindura sei kana kuti muchazvidzivirira sei, 12 nokuti panguva iyoyo Mweya Mutsvene achakudzidzisai zvamunofanira kutaura."

Johani 7:38,39 Ani naani anotenda kwandiri, sezvazvakarehwa muRugwaro, hova dzemvura mhenyu dzichayerera dzichibva mukati make." 39 Nokutura uku, akanga achireva zvoMweya Mutsvene, uyo waizogamuchirwa navaya vanotenda kwaari. Nokuti Mweya wakanga usati wapiwa, sezvo Jesu akanga asati akudzwa.

Johani 14:16,17 Uye ini ndichakumbira Baba, vagokupai mumwe Munyaradzi kuti agare nemi nokusingaperi, 17 iye Mweya wechokwadi. Nyika haigoni kumugamuchira, nokuti haimuoni uye haimuzivi. Asi imi munomuziva, nokuti agere nemi uye achava mukati menuy.

Johani 14:26 Asi Munyaradzi, Mweya Mutsvene, uyo achatumwa naBaba muzita rangu, achakudzidzisai zvinhu zvose uye achakuyeuchidzai zvinhu zvose zvandakareva kwamuri.

Johani 16:7,8 Asi ndiri kukutaurirai chokwadi kuti: Zvakakunakirai imi kuti ini ndava kuenda. Kana ndikasaenda, Munyaradzi haangauyi kwamuri; asi kana ndikaenda, ndichamutumira kwamuri. 8 Kana asvika achapa nyika mhosva pamusoro pechivi napamusoro pokururama nokutongwa:

Johani 16:13-15 Asi kana iye, Mweya wechokwadi, auya, achakutungamirirai muzvokwadi yose. Haangazotauri zvake; achataura zvaanenge anzwa chete, uye achakuudzai zvichauya. 14 Achauyisa kukudzwa kwandiri nokutora pane zvangu achizvizivisa kwamuri. 15 Zvose zvaBaba ndezvangu. Ndokusaka ndakati Mweya achatora zvangu agozvizivisa kwamuri.

Johani 20:21,22 Jesu akatizve kwavari, "Rugare ngaruve kwamuri! Sezvo Baba vakandituma, ndiri kukutumaiwo." 22 Uye adaro akavafemera akati, "Gamuchirai Mweya Mutsvene.

Mabasa aVapostori 1:2,5 kusvikira pazuva raakakwidzwa kudenga, shure kwokunge arayira, kubudikidza noMweya Mutsvene, vapostori vaakanga asarudza. 5 Nokuti Johani akabhabhatidza nemvura, asi mushure mamazuva mashoma muchabhabhatidza noMweya Mutsvene."

Mabasa aVapostori 1:8 Asi muchagamuchira simba kana Mweya Mutsvene auya pamusoro penyu; uye muchava zvapupu zvangu muJerusarema, nomuJudhea mose, nomuSamaria, uye kusvikira kumigumo yenyika."

Mabasa aVapostori 2:1-4 Zuva rePendekosti rakati rasvika, vakanga vakaungana vose panzvimbo imwe chete. 2 Pakarepo kutinhira sokwemhepo inovhuvhuta nesimba kwakabva kudenga uye kukazadza imba yose yavakanga vagere. 3 Vakaona zvakanga zvakaita sendimi dzomoto dzakaparadzana uye dzikamhara pamusoro pomumwe nomumwe

wavo. 4 Vose vakazadzwa noMweya Mutsvene uye vakatanga kutaura nedzimwe ndimi sokupiwa kwavakaitwa noMweya.

Mabasa aVapostori 2:17-19 “‘Mumazuva okupedzisira,’ ndizvo zvinotaura Mwari, ‘ndichadurura Mweya wangu pamusoro pavanhu vose. Vanakomana navanasikana venyu vachaprofita, majaya enyu achaona zviratidzo, vatana venyu vacharota hope. 18 Kunyange napamusoro pavaranda vangu, zvose varume navakadzi, ndichadurura Mweya wangu mumazuva iwayo, uye vachaprofita. 19 Ndicharatidza zvishamiso kudenga kumusoro, nezviratidzo panyika pasi, ropa nomoto uye mhute youtsi. (Joere 2:28,29)

Mabasa aVapostori 2:33 Akasimudzirwa kuruoko rworudyi rwaMwari, akagamuchira kubva kuna Baba chipikirwa choMweya Mutsvene uye akadurura izvi zvamuri kuona nokunzwa iye zvino.

Mabasa aVapostori 2:38 Petro akapindura akati, “Tendeukai mubhabhatid-zwe, mumwe nomumwe wenyu, muzita rajesu Kristu kuti muregererwe zvivi zvenyu, uye mugogamuchira chipo choMweya Mutsvene.

Mabasa aVapostori 4:31 Shure kwokunge vanyengetera, nzvimbo yavakanga vakaungana pairi yakazungunuswa. Uye vose vakazadzwa noMweya Mutsvene vakataura shoko raMwari vasingatyi.

Mabasa aVapostori 8:15-17 Vakati vasvika, vakavanyengeterera kuti vagamuchire Mweya Mutsvene, 16 nokuti Mweya Mutsvene akanga asati auya pamusoro paani zvake wavo; vakanga vangobhabhatidza muzita ralshe Jesu. 17 Ipapo Petro naJohani vakaisa maoko pamusoro pavo, vakagamuchira Mweya Mutsvene.

Mabasa aVapostori 8:39 Vakati vabuda mumvura, Mweya waShe wakatora Firipi pakarepo, uye muyunaki haana kuzomuonazve, asi akafamba munzira yake achifara kwazvo. (1 Mambo - 1 Madzimambo 18:12)

Mabasa aVapostori 9:31 Ipapo kereke yakava norugare muJudhea mose, nomuGarirea neSamaria. Kereke yakasimbiswa; uye ikakurudzirwa naMweya Mutsvene, ikakura pauwandu, ichirarama mukutya Ishe.

Mabasa aVapostori 10:44,45 Petro achiri kutaura mashoko aya, Mweya Mutsvene akauya pamusoro pavose vakanzwa shoko. 45 Vatendi vakadzingiswa vakanga vauya naPetro vakakatyamara nokuti chipo choMweya Mutsvene chakanga chadururirwa kunyange napawahedheniwo.

Mabasa aVapostori 11:15 “Pandakatanga kutaura, Mweya Mutsvene akauya pamusoro pavo samauyiro aakaita kwatiri pakutanga.

Mabasa aVapostori 13:52 Uye vadzidzi vakazadzwa nomufaro uye noMweya Mutsvene.

Mabasa aVapostori 19:6 Pauro akati aisa maoko ake pamusoro pavo, Mweya Mutsvene wakauya pamusoro pavo, uye vakataura nendimi vakaprofita.

Mabasa aVapostori 20:23 Chandinongoziva ndechokuti muguta rimwe nerimwe Mweya Mutsvene anondiyambira kuti kusungwa nokutambudzika zvakandirindira.

**VaRoma 5:5 Uye tariro hainyadzisi nokuti Mwari akadurura rudo rwake
mumwoyo yedu kubudikidza naMweya Mutsvene, uyo waakatipa.**

**VaRoma 8:9,13-16 Asi imi hamutongwi nenyama asi noMweya, kana Mweya
waMwari achigara mamuri. Uye kana munhu asina Mweya waKristu, haazi
waKristu, 13 Nokuti kana muchirarama maererano nezvinodiwa nenyama,
muchafa, asi kana muchirarama noMweya munouraya mabasa akaipa
omuviri, uye muchararama, 14 nokuti vaya vanotungamirirwa noMweya
waMwari ndivo vana vaMwari. 15 Nokuti hamuna kugamuchira mweya
wouranda kuti muitwezve varanda vokutya, asi makagamuchira Mweya
wokuitwa vana, uya watinodana naye tichiti, “Abha, Baba.” 16 Mweya
amene anopupurirana noMweya wedu kuti tiri vana vaMwari.**

**VaRoma 8:26 Saizvozvovo, Mweya anotibatsira mukusava nesimba kwedu.
Nokuti hatizivi zvatinofanira kunyengeterera, asi Mweya amene
anotinyengeterera nokugomera kusingatsananguriki namashoko.**

**VaRoma 15:13,19 Mwari wetariro ngaakuzadzei nomufaro wose norugare
pamunovimba naye, kuti muve netariro izere, nesimba raMweya Mutsvene.
19 nesimba rezviratidzo nezhishamiso, kubudikidza nesimba roMweya.
Saka kubva kuJerusarema kusvika kwose kunyika yakapoteredza,
kusvikira kulrikumi, ndakaparidza kwazvo vhangeri raKristu.**

**1 VaKorinde 2:10-13 Asi Mwari akazviratidza kwatiri isu noMweya wake.
Mweya anonzvera zvinhu zvose, kunyange nezvakadzika zvaMwari. 11
Nokuti ndianiko pakati pavanhu anoziva ndangariro dzomunhu kunze
kwomweya womunhu uri mukati make? Saizvozvovo hakuna munhu
anziva ndangariro dzaMwari kunze kwoMweya waMwari. 12 Hatina
kugamuchira mweya wenyika ino asi Mweya unobva kuna Mwari; kuti
tinzwisse zvatakapiwa naMwari pachena. 13 Izvi ndizvo zvatinotaura,
tisingatauri namashoko atinodzidziswa nouchenjeri hwavanhу, asi
namashoko atinodzidziswa naMweya, tichidudzira zvokwadi zvomweya
namashoko omweya.**

**1 VaKorinde 3:16 Ko, hamuzivi here kuti muri temberi yaMwari uye kuti
Mweya waMwari anogara mamuri?**

**1 VaKorinde 6:11 Uye izvozvo ndizvo zvakanga zvakaita vamwe venyu. Asi
makashambidzwa, mukaitwa vatsvene, mukashayirwa mhosva nezita
ralshe Jesu Kristu, uye noMweya waMwari.**

**1 VaKorinde 12:3 Naizvozvo ndinokuudzai kuti hakuna munhu anotaura
noMweya waMwari anoti, “Jesu ngaatukwe.” Uye hakuna munhu anoti,
“Jesu ndiye Ishe,” asi naMweya Mutsvene.**

**2 VaKorinde 3:17 Zvino Ishe ndiye Mweya, uye pane Mweya waShe, pano
kusununguka.**

**2 VaKorinde 13:14 Nyasha dzalshe Jesu Kristu, norudo rwaMwari,
nokuwadzana kwoMweya Mutsvene ngazvive nemi mose.**

VaGaratia 4:6 Nokuda kwokuti muri vanakomana, Mwari akatuma Mweya

woMwanakomana wake mumwoyo yedu, Mweya anodana achiti, "Abha, Baba."

VaEfeso 1:13,14 Nemi makaiswawo muna Kristu pamakanza shoko rechok-wadi, iro vhangeri rokuponeswa kwenyu. Makati matenda, makaiswa rupau maari nechisimbiso, icho chivimbiso choMweya Mutsvene, 14 anova ndiye rubatso runotitsidzira nhaka yedu kusvikira rudzikanuro rwaavo vari vaMwari chaivo rwaratidzwa, kuti kubwinya kwake kurumbidzwe.

VaEfeso 2:18 Nokuti kubudikidza naye isu tose tinopinda kuna Baba noMweya mumwe chete.

VaEfeso 4:30 Uye musachemedza Mweya Mutsvene waMwari, uyo wakaitwa chisimbiso chenyu pazuva rokudzikanurwa.

1 VaTesaronika 4:8 Naizvozvo, uyo anoramba kurayira uku haasi kuramba munhu asi Mwari, iye anokupai Mweya wake Mutsvene.

1 VaTesaronika 5:19 Musadzima moto woMweya;

2 VaTesaronika 2:13 Asi tinofanira kuvonga Mwari nguva dzose nokuda kwenyu, hama dzinodiwa nalshe, nokuti kubva pakutanga Mwari akakusarudzai kuti muponeswe nebara rokuchenesa roMweya uye nokutenda chokwadi. (1 Petro 1:2)

Tito 3:5,6 akatiponesa, kwete nokuda kwezinhu zvakarurama zvatakaita, asi nokuda kwetsitsi dzake. Akatiponesa kubudikidza nokuberekwa patsva nokuvanduzwa noMweya Mutsvene, 6 uyo waakadurura wakawanda kwazvo pamusoro pedu kubudikidza naJesu Kristu Muponesi wedu,

VaHebheru 2:4 Mwariwo akarupupurira nezviratidzo nezvishamiso namabasa esimba akasiyana-siyana uye nezvipo zvoMweya Mutsvene nokuda kwake.

VaHebheru 10:15 Mweya Mutsvene anotipupurirawo pamusoro peizvi.

Kutanga anoti:

1 Petro 1:2 vakasarudzwa maererano nokuziva zviri mberi kwaMwari Baba, kubudikidza nebara roMweya rokuaita vatsvene kuti vateerere kuna Jesu Kristu nokusaswa neropa rake: Nyasha norugare ngazviwande kwamuri.

2 Petro 1:21 Nokuti hakuna chiprofita chakatongouya nokuda kwomunhu, asi vanhu vakataura zvaibva kuna Mwari vachisundwa noMweya Mutsvene.

1 Johani 4:2 Aya ndiwo maziviro amungaita Mweya waMwari: mweya mumwe nomumwe unopupura kuti Jesu Kristu akauya munyama unobva kuna Mwari,

1 Johani 5:7,8 Nokuti kune zvitatu zvinopupura zvinoti: 8 Mweya, mvura, neropa; uye zvitatu izvi zvinotenderana.

Judha 1:20 Asi imi, shamwari dzinodikanwa, zvivakei mukutenda kwenyu kutsvene uye munyengetere muMweya Mutsvene.